

صاحب و مدیر مسئولی
قبریه لی درویش وحدتی

امور تحریریه و اداریه متعلق مسائل
ایچون مدیر مسؤله مراجعت اولنور

آدره سی :

باب عالی جاده سنده ۴ و ۴۴ نومرو

عصر معاصره سی

فولکان

۱۳۲۴

Journal, VOLKAN,

سر محرری : جمال حسنی
ابونه فیاتی

مالک : عثمانیه ایله بلغارستان بوسنه

هرسک مصر ، قبریس

و کرید ایچون

سنه لک ۱۲۰ آتی آیانی ۷۰ غروشدور

استانبول ایچون سنه لکی ۱۰۸ غروش

اعلانات طرفینک رضا صیله

قرار اشدریلیر

سعادت دارینه مظهر و اجدادینه ده رحمت
خوان اولور ، تربیه سز ، شماریق بیودیلانلرک
ماقبی ایسه معلومدر فاطمه سعیدی

وولقان

ای بیوک عثمانلی قادینی !

تربیه بنات وامهات حقنده کی مطالعه عقیقانه کز
جدا شایان تطبیق و تقدیردر . فقط بزم بو
بابده کی مطالعه من دها باشقهدر .

زواللی قیزلر ، ووالده لر ! نه یابسینلرده
صایدقلری یولاردن چیقسینلر ، قباحثک اک
بو بویکی ، بکریمنزده در . اسکی زمانلرده بر
کورجی برخانه یه مراجعت ایتمی . اول ،

خانم قیزلرک ، سکوتیلکندن ، اطاعتندن
سوقاقلرده چوقچه کزوب کزمدکلرندن ،
بیلمدکاری سوزه قارشامالرندن ، اداب و اخلاق
اسلامیه درجه اطاعتلرندن ، اوامر الهیه یه

توسلاری نه مرتبه ده بولندیغندن ، تحقیقانه
کیریشیرلردی ، بو اوصافی حائر اولانلر ، اک
مستثنا صنفدن اوله رق قبول ایدلردی . زیرا

زوجلر او یله برزوجه او یله بر رفیقه ارارلردی .
شمی ایسه خانم قیزلرک چوق سویلیانلری ،
لافی هرکسک اغزند بر اقانلری ، کوچوک

ایکن سولرده ، اکلنجه محللرند ، تیارولرده
بولونوبده رقاصه لری قانطوجیلری تقلید ایدلری ،
هر سوزه قاریشانلری ، اوریا قادیلرینک

اخلاقیه متخلق اولانلری ، اوامر الهیه نظر
نفرته باقانلری ، کوزل ، عود ، پیان ، کمان
کی لهویانده ایلری کیدنلری ، زمانمزک اک

مقبول ، اک کزیده صنفلرندن بولندیغندن
زواللی قیزلرک اکثری اوج یاشندن باشلا به رق اون
ایکی باشنه قدر تیارولرده اوتلرده ، بری لرده بر

چوق سفیه لری کوره کوره بتمشکده درلر ،
والد لری ده بونلری القیشه مه ده دره هله قومشو
ر طویلانوبده ، خانم ! بزم کوچوکک اویون

کوردیکزمی ؟ الله امانت ! دوریکز ، سزه
برچفته تللی اویناسین ده کوریکز ، دیدیمی ؟
پیاره چوق بر سرور ایله قالقار الری ،

چیریلر ، انلرده صیجرار ، ایشته بویله بویوان

برچوققدن نه بکله نیر . اما نه پسینلر ، بدبخت
کنجلر بویله برزوجه ایستر . دیک ایستیورزکه :
قباحت والده لرله قیزلرده دکل ، بزم حویبا
بکریمنزده در .



بلغارستان

بلغارستان رئیس نظارینک قومیدمرک
وکائی واسطه سیله صدر اعظم پاشا حضرت تلیرینه
واقع اولان مراجعتنده بویقوتازک رفی ایچون
مشارالیهک عنایتنه دخالت ایلدیکی ایشیدلمشدر .

بیلمه یزشورای امت رفیقمز بوکا نه دیه جک
واقعا بوملتک تاثرات قلییه سندن تولد ایتمش
بر کیفیت اولدینی بیان اولمقده ایسه ده حدود

باشنده بوغاز بوغاز حرب ایدن بر عسکرک
قوماندانه عجبا بر شرف ، برلیاقت ، برحمیت ،
رتبه سی ویرلمزمی ؟ یا یکریمی سندنبری ، هممز

طویومز آوروپالرده ، اوتده بری ده سورو -
نورکن ، هیچ بر اقتدار کوسترمدیکمز حالده
او ، شانلی اردو سایه سنده قزاندیغمز مظفریت

انقلابی ، صرف کندیمزه ، کندی اقمه اریمز -
حمل ایتدیکمز حالده ، عجبا کامل پاشانک شو
زمان صدارتنده کرک ملتک ، کرک ، قایینه نک

ابرار ایتدیکی آثار رویت وغیرتن سزجه هیچ
حصه سی بوقی ؟ سرک طوتدیغیکز یول ، طوغریسی
سویلمه لی هیچ چیقار بریول دکلدر . کامل

پاشا حضرت تلیرینه تجاوز ایتدکجه حیثیت خارجه
منزه ضربه لر آوروپورسکمز .
ایشته تایمس ، ایشته استاندارد هب سزی

یازیورکه : بک زیاده شایان تأسف بر کیفیتدر .
ملت وار ایسه ، بزده او ملتک افراددز ، بو
حق یالکمز سزک دکلدر . دها ایلر کیتمه کز ملت

ضرزددر .

فلسفه اخلاق

بمدماوجب علینا .

اخطار

تعظیم و رعایت سزاکدن احترازاً آیات جلیله
واحادیث شریفه عیناً درج اولنه مدی . ماله
اشارت یاترجه ایله اکتفا اولوندی .

مدخل

فلسفه اخلاقی ادراک مورد اخلاق اولان
حقیقت انسانییه دوغری برنظره توقف ایدر .
حکمت الهیادن برنبده .

ایشته مدخلده موضوع بحث بودر .

مدخلمزک محتویاتی

استقصای توحید ، ادانان اعلایه برنظره ،
استکناه ، وجود و عدم نظریه سی ، اعلادن
ادنایه برنظره ، حقیقت انسان ، روح ، مبداء
ومعاد نظریه سی ، استقصا ، اثیر نظریه سی ،
عرفان محمدی ، انفعال و ابتداع نظریه سی ،
سکونت و حرکت نظریه سی ، بسط و قبض
نظریه سی ، قوام نظریه سی ، تنویر فکر .

۱- استقصای توحید

استقصای موجودانده طریق استدلال
ایکی به منحصر درر .

بطلان تعدد ، بطلان تسلسل .

تسلسل هر نه صورتله اولورسه اولسون
عقلاً حکمه باطلدر . بونده ایکی نظریه واردر .
بری - فکر تسلسله موجوداتک

۱- تنادکاهی دفع ایتک واردر . بو حالده هیچ
برشینه مستند اولامایان هر وجود بررشدیرکه
متعدد دیمکدر .

دیگری - لاینقطع تسلسله فکر اک
صوکره کی وجودک اولکیلره تسلطن ایتدیکنی
عیان بیان کوره یور . شو حالده مطلوب
نابندر .

(یامعشرالچین . . .)

تعدد دخی عقلاً حکمه باطلدر . مثلاً
ایکی ذی قدرت فرض اولونسه ، بونده درت
نظریه واردر .

تساوی ، تضاد ، قوی ، ضعیف .

بربرندن قیل قدر هیچ فرق اولمایارق
هروجه ایله تمامی تمامه مساوی ایسه بردر ،
ایکی دکلدر . بربرندن قیل قدر هیچ فرق

اولمایارق هروجه ایله تمامی تمامه ضد ایسه
برلکی منتجدر . چونکه ایکیمی بردن عاجزدر .
بونلرک فوقنده قوی آرانیر .